



受祺堂詩卷之三十

中南山人荆東李因篤子德著

寄劉驃騎峻公三首劉自閩司遷此



宿雨初晴曉氣涼  
懷人白露始爲霜  
鼓鐘久罷青門飲  
蘭菊還留紫塞芳  
入夢熊羆能數至  
乘時鴻鵠盡高翔  
相思欲假輕風翼  
不畏邊雲萬里長  
載酒尋盟歲月移  
離筵悵望阻臨岐  
每圖車馬攀春晚  
翻致音書度朔遲  
部濶峰陰連舊戍  
時清關角靜秋曦  
戎衣多暇延賓客  
緩帶頻瞻左氏帷  
別後蒹葭北望新  
臨風洄溯爲伊人  
麾收七較如

分陝節轉孤城尚在秦叔子輕裘明月夜嫖姚壯  
志白榆春猶看列障通蘆子屢接傳魚渭水濱

題王將軍廟碑五首

有序

史記將軍頻陽東鄉人吾村在頻山之下  
古老相傳廟祀將軍爲社神山亦有廟廟  
額曰美應侯子少時讀書山中聞禱雨者  
挹水龍泉數驗如響故又稱將軍爲頻山  
神按是鄉廟數十處惟吾村以七月十日  
爲將軍誕辰必大作社衍之至將軍所居  
名千口葬到賢鎮南約詠其槩云

頻山頻水樹森森地託將軍有故林斷碣已隨丹

篆冷荒臺曾染翠華深史記始皇親駕頻村霞晚

抱高峰落磧月秋生古澗陰爲溯枌榆通里社沿

公伏臘到于今

秦皇談笑取羣雄一代宗臣首戰功史記秦有天

功最世遠旂嘗徵野老兵餘劔珮式英風新加大

棟躋攀裏舊請良田指顧中過客不須論往劫鄉

人歲歲薦歆同廟垂祀先太孺人遺命新

山靈神祐報祠長梓里還留血食鄉古屋寒雕愁

自站雲旗風馬怒來翔遺封第宅傳千古伏處裕

楸列五王五王陪葬將軍墓下地名五塚大澤為陵陵是谷閒尋

勝蹟此褰裳

山居滂沛顛靈偏美應為霖俗並傳避暑灣西遮

虎阜類山西嶺名臥虎山聞雷廟左帶龍泉龍泉在廟東稍上二里即取湫

處千家俎豆兼秋報四野桑麻接暮烟欲問崇褒

何代始村翁不記漢唐年

當時定兆澗流南六月佳城曉霧含將軍冢上每歲六月廿六

日質明數十步必見城郭貝闕珠宮移海市瑀戈宮室車旗卒馬千變萬狀

鐵騎隱山嵐長楊溜雨哀聲合老柏摩霄黛色參

莫使墓田侵牧豎清門連復起朝簪謂文伯默公兩進士

### 中秋卽席呈許使君無功二首

遙來使邸度秋分細雨徐傾興不羣盡日簪裳寒

照坐中宵宴豆劇論文明珠自擁當軒月諸公子並侍

縞帶渾流過澗雲寂歷壯遊逢此會秦宮桂樹想

氤氳

長安良夜浩無涯玉露金風做萬家久惜俊厨同

雨散漫勞蟾兔入秋賒蕭騷尚對孤亭酒沾濕難

尋八月槎却憶登樓人未臥時迎舉下王徵君山史未至王是日初度

必入山歲以為常高吟何處醉蓮華

### 送張民部振六赴補北上四首

受補堂詩卷三  
三  
俯仰樊川皓月遲追陪京雒悵幽期重憐訪舊來  
鄉曲忽漫開罇是別離振鷺冥鴻常異願叢蘭孤  
竹總殊宜故人將發歌招隱無使行藏歎一涯  
梓里論才漢署初清河玉樹並扶疎爭推孝友清  
邦族更借賢勞佐國儲曉露偏催征旆迴秋暉故  
傍祖筵舒乘時仗策君年少擬老村農獨荷鋤  
南陌東阡烏夜啼蓼莪同廢各悽悽新宮耀日層  
霄近故隴傷心幾樹低竹帛連翩光冊府風雷騰  
蹕起磻溪總叨微祿親難逮苦士終天繞墓迷  
紫禁滄洲未是遙締盟結駟憶垂髫渾看鸞鶴翔

天宇可許樵漁託

聖朝折柳地傳韋曲樹含香

人去灞陵橋他時左掖懷逋客夙昔南塘野興饒

贈衷愚公先生初度

糧臺業師

平生取友半西江晚得詞人冠此邦節屆蟾蜍寒  
對雨秋淡蟋蟀夜鳴牕應劉作客才難並馬鄭同  
時望自雙更值亥音敦舊齒良宵披豁酒盈缸

呈希制軍五首

司馬承邊德望尊上公持節正乾坤十年烽火登  
車息三極冰霜泣部溫坐鎮多時紆右顧安危自  
古重西門熙朝文命崇開府嶽路猶先寵錫恩

炎夏驕陽待澤多大雩無奈密雲何憂先郡國煩  
徒步慶洽神人起浩歌俗阜竟銷青海檄時平新  
臥錦官戈川中有苗亂已戢賓僚濟濟瞻慈宇共沐滂洋

萬頃波

使相分符十二州明公賜履冠諸侯天包涼益開  
東井地跨關河領上游寒谷春生吹律徧野航時  
帶霽暉流躬耕久自耽林壑望歲頻書大有秋

棨戟垂鉞北斗邊曾披短褐愧登筵干旌競睹秋  
飈肅薜荔偏滋曉露鮮親叱八騶臨陋巷更來雙  
鼎照荒阡公遣官郵於今每出函京道徒倚臺門

逸興連

雨洗長天色正清秋分邸夜接蓬瀛當臺皓景千  
林徹仗鉞金波萬里明暇日琴書光滿座良宵刁  
斗寂無聲極知端揆須賢輔還借辰猷庇漢京

投贈圖撫軍五首

熊軾銜飈法宿連袞衣特簡借朝賢保釐嶽路東  
西陝殫壓秦疆百二天氣並靈犀分水立光如拱  
壁向秋圓野鴻遵渚胥承對垂拱關河兩漢年  
視履褰帷雨露同驅流澍灞盡朝東函京外輔連  
匡衛副相崇班引鮑驄繡節高迎薇省月鳴珂肅

受補堂詩卷三  
五  
做柏臺風還瞻華黍秋隨茂共戴郇雲指顧中  
百尺臺門木可梯勞謙一氣下雲泥稻梁頓覺餘  
鳧雁珩珮偏能靜鼓鼙列憲森嚴兼柱後生民鼓  
舞觀郤西建牙臨郤聲俱濶蕃錫鈎膺有四驪  
忽覩秋鷹竦節旄恭聞白簡挾霜毫紀綱不狃牙  
門將恩信先孚掾史曹獵渭竹書千畝碧披荆鏞  
鼎九圍高西州式廓同文軌獨座提封使相勞  
部鼓初傳綵綬新西疆秋肅近陽春疇諮緩帶無  
遺策暇日張筵有上賓屢接丹書通劔舄長調玉  
燭傍星辰雞栖自負班生筆并野慚承鄭驛塵

答陳棘菴中秋見贈二首用來韻

飄蓬新漲渭水流好夜同分漢署秋客度長霖聊  
判飲天違明月嬾登樓連枝有榻方徐穉屬草何  
年進馬周渚雁衝波歸轉急西風搔首不禁愁

菴在令兄  
都閫幕

同袍感浹授衣辰挾纊驚看得句新積雨數邀高  
士屐微霜偏借遠遊身黃花入座寒留景白壁連  
城晚照秦欲報難逢青玉案聞歌愧爾郢中人

青門喜晤使君弟偶去華下却寄

從攀隴樹已三年却對江鴻一悄然咫尺翻違初

度酒崔嵬欲寄遠峰蓮州圖恣眼臨青嶂部籥隨  
車上紫烟使君舊宰芷陽皓首周侯尤惜別揮觴惟覺護  
軍賢叔治官中護軍周侯之弟

秋日下榻糧藩許使君無功東齋奉贈五十

韻兼述近懷

節使聲容峻關封控帶遙金閨瞻濟美玉燭慰新  
調鳳紀初開朔龍驤本兆遼近天無小姓摩日引  
榮苗太嶽羣分譜高陽萃立朝殊才推冠族卓識  
自垂髻執戟森丹陛含香倚碧霄起家刑部陝西司員外世  
逢清讌後人臥白雲寮夏署恩加擢遷兵部車南

臺望獨超三驅資主治五輅息煩囂叱馭瀾滄泚

塞帷蝨爨椒出為順寧守俗和端吏譯風動洽邦謠已

築收滇障翻馳陟岵橈罹外艱歸將歸題鐵柱隔代仰

銅標再訪耶溪秀補紹興守因探禹穴潮鬼崖橫樹羽

閩檄逼鳴鵬三逆之變脆土頻呼吸遐陬屢動搖竟揮

風鶴定徐朴怒黿驕壯略喧行省前籌毗大僚大司

雄方面馬浙督李公取公軍府倚如左右手安危勤就畫臂指粲依條借箸

韶忽補笙詩缺猶垂墨經飄不圖趨海甸何意啜

江瑤起閩之延冶斤浮舟緊秦疆入部饒謂今度



支伴左轄騰飽遍連鑣遶馬攻駒富池漈漾雪嬌  
銜書馴掾史鼓腹到簞瓢

兼理驛鹽

政攬綱維得膏流

伺竊銷論文多靜晝託契有寒樵宿昔狂吟子艱  
虞旅食朝詞名虛鬢髮出處點風飈坐惜朱顏換  
難同翠柏凋嬾餘尋負未愁遣問征輅但解鴻違  
弋誰云鹿在蕉蓬牕甘蔚蔚短褐莽蕭蕭汎愛情  
遑展潛期夢可招聿來通水竹真欲憩鷓鷯老骨  
憐強項佳筵恕折腰經旬陪濁酒看客染生銷曉  
漏忘嚴刻昏鐘數麗譙齊盟皆國彥夙好伴王喬

時華下王徵君山史在署

憲幙張藩邸秋城泣斗杓軒裳隨興

集杖屨不時邀月滿渾如鏡

中秋前子已至

霜深鬱未消

階莫摧更長閣炬爛頻燒道隱長宜拙途窮莫漫  
焦綺園仍謝漢箕穎究辭堯橘頌成衰晚林栖戀  
寂寥使君台鼎質應着侍中貂

寄方伯傅公四首

同時方岳慶王言右顧恭聞眷大藩郡國仰成綱  
紀重邊疆騰飽度支繁提封漢牧隆三事拜命虞  
廷冠八元共向青霄瞻俊鸚西來彩翮正飛騫

臺端清望壓羣公憶昨關河競避驄

前按河東鹽政

水濱

效珍渾漾雪星輅叱馭凜生風借恂爭識爲邦後

歌名依然按部中  
豸繡承流真曠典  
丹心獨抱嶽蓮紅

中書內外紫宸看  
左轄新推白簡寒  
蠹蠹三峰瞻峻節  
滔滔八水障迴瀾  
聞聲墨吏驚拋綬  
表範朱絲慰伐檀  
莫訝剖符雄百二  
秦中自古是長安

迢遙三輔滙黃圖  
畫省惟公託令模  
霜面不容寬掾史  
霽輝偏肯照文儒  
陽開春律黃鐘盛  
惠洽堅冰碧草蘇  
蕭蕭旗門稀報謁  
時叨禮數及潛夫

青門喜晤鄭使君  
司直却寄五首  
時備兵涼莊  
曉霧初凝木葉飛  
輕輶重喜覲連圻  
十年關塞聞

雞早萬里江湖過  
雁稀公自浙任遷涼莊  
夙好班荆仍玉

珮征途迴首各戎衣  
關涼之亂公侯補在秦  
互牽離緒催頭

白愁立西風攬暮暉

揖客渾看汲黯狂  
臺門悚攝舊鸛行  
司道廷謁例長揖諸公多

踞曲公獨抗古禮望者躋之  
故人心迹浮沈得  
吾道艱難出處

妨尚憶欒槍明弱水  
空傳金鼓震扶桑  
清秋百卉

驚搖落獨對東籬菊  
正芳

省戢雕戈上郡東  
舊為神木道  
欣來繡節武威中天留

飢溺逢多難世倚安危  
有數公宿眷不忘沙塞遠

前有吏議賴上知公獨褒之  
訐謨還著石渠雄  
謂所著時務錄  
稔知經

國情偏切一體酬恩內外同

舊史含香冠六曹司衡黔楚重詞豪

公前典江右試及督學貴

州殊勳近跨江帆濶

以台寧道舉卓

壯略遙瞻塞月高

迨地猶依名樹追陪人合贈虔刀黃輿倚藉當途

久不憚星征指畫勞

時督繪輿圖進呈

分託漁磯老澗隈尋盟使邸為徘徊憂時豈必伊

周地撥亂深推管葛才月落孤亭頻易燭霜明五

夜共銜杯避人予已甘長隱懷抱從公慰一開

### 山史先生舉第五子賦寄新句

第五寧殊驃騎名烏衣連翮照前楹爭傳晚節蓮

峰峻更喜同根玉樹清比歲麟書誇過客他時鯉

對接諸兄排雲問序通橋梓

先生行本居五

鄉族遙追百

代聲

王氏百代卿族通鑑王僧虔語

### 寄茹明府五首

曾聞請郡得前期末事裝成却屢移漫對停雲臨

北阜猶煩採菊悵東籬八年生聚酬功薄千里交

遊命駕遲努力無令愁歲暮寥寥宙合有相知

岐陽瘠土半榛蕪力籲恩綸困欲蘇漸喜遺宮

鳴石鼓

時葺學宮諸廟

遙來大澤引弦蒲

引潤德泉入城

青霜已

轉孤城色白雪渾高百里符佇下徵書君即去歸

鴻還假賦新圖

周原漢時異時杯夏樹秋陰去復來到處烟清同  
繫馬相思野望獨登臺主人長判林泉費賓客誰  
稱坐嘯才無邗爲歡垂此約朔風黃鶴正徘徊

羔羊夙表素絲秋澱澱維羣匪自謀

時貽西羊百頭

致牧

遙從西澗至銜花忽滿北山頭武功

蘇典屬

勞苦慚

高節新息

馬伏波

蕃滋仰壯猷但使薄田豐報種老

予蓑笠又何求

論交惟子跨羣賢况種城花正少年伏枕爲辭青  
杖夜躋觴翻負紫霞筵將謀出處須同舍並理宮

商結數椽是日王喬飛賜舄芝車莫更問神仙

贈馬子良日者

聞君雄辯夙縱橫卜肆逃名轉劇名所至簪裳爭  
倒屣還來樵牧共班荆三旬雨積黃花暗九月霜  
高錦樹清倘許幽棲吾自得猶將握粟就君平

贈許公子青錢

麟閣相承鐵券新豹韜翻負象賢身及時軒紱推  
諸弟垂老兵戈侍二親醉倚黃花秋並澹閒調白  
鶴暮難馴真知羅漢無名欲潁水箕山一氣春

青錢像贊

高坐雲根暮息機暫揮白羽卸戎衣佳人仰面裕  
如蓋笑指前汀伴鶴歸

陳棘菴像贊

尚託元龍傲難教老鶴馴紵衣酬彼美戎幕滯斯  
人穴處商山麓竿投渭水濱有時晤唐舉終許畫  
麒麟

贈朱太學二玉

邵陽支子吾賢存猶是愍王九世孫舊業空瞻鎮  
國邸幽棲却近延秋門揮毫醉倚省中月採菊思  
歸江上村布褐潛行羽檄後珊瑚不遣風塵昏

書太守公屏應屬部刺史明府之請

全收三輔舊神京內史惟高遠著聲尚憶貔貅馴  
出入爭教鵷鷺託飛鳴承家節傍烏臺峻領郡心  
如碧水清共指南山持獻竿屬車秋色滿關城

題關中八景圖絕句

草堂烟霧

萬古風人地南通尺五天霏霏烟雨色獨傍鳳城  
懸

灞柳風雪

曳絮春疑雪沿堤晚帶朝夕陽杯影亂人去灞陵

橋

雁塔神鐘

郊畿有秦漢篆籀歷隋唐一  
派霜金吼賓鴻下景陽

華嶽仙掌

到眼驚奇嶽摩空走顛靈  
仙人伸玉指取弄白雲停

驪山晚照

野抱黃圖盡天留繡嶺孤  
烽臺殘樹在片片有啼鳥

曲江流飲

曲水傳觴處香亭飲悵長  
不須問南苑蒲柳度年芳

咸陽古渡

棹翻三輔濶波帶五陵高  
拾得阿房翠臨風浣碧濤

太白積雪

皎皎何年雪山芝六月薰  
長風吹汝去散作渭川雲

奉答許學使公冬日華州遲予不至之作

遙有攀雲踐華期促裝將發更迴疑承聞鄭館餐  
當授敢謂山陰興忽移霜寫澗亭臨眺久雪封仙  
掌度杯遲塞厓倦鳥愁舒翮淑管還因郢曲知

奉贈制府圖司馬學士公五首

文昌提斗照端門出總西師望獨尊玉署石渠承  
夙眷彤弓牙纛拜新恩星該秦蜀宣風濶旆發河  
山受詔溫時請陞見優旨不許憶自袞衣分率陝勲猷千載

欲同論

綸扉秘禁九霄間學士深居副相班公為閣學紫誥時  
裁雲五色丹楓最近扇雙還親臣受冊初開府寵

命聞期早度關卽得 聖情紆右顧渾宜輿頌指

南山

神州烟樹太行高使相天心簡在勞公自內閣擢晉撫甸

服驅車瞻霽景汾川仗鉞起澄濤人歌桃實存唐

魏地遡桐封建節旄忽進軍麾寧煖席西南侍轉

夏聲豪

外臺專制比公孤遙控中原有舊都北極崑崙收  
障塞西條江漢引荆吳畫熊初耀雙轅軾銅虎橫  
行萬里符頃立河干頻倚佇蒼生處處喜來蘇  
當年抱拙避墻東謬託清塵步下風岳牧還依黃

閣老旂常應數黑頭公猶違典謁春先及擬賦毗  
歌凍欲融濟世才名兼內外麒麟俯仰壯猷同

歲暮有感奉懷許學使公

蕭條臥病掩村樓度歲銜悲可自繇長憶故人馳  
絕塞幾回遙望引殘裘春風嬾自蓬門轉朔雪偏  
爲陋巷留聞說星軺旋有日那無書札慰離愁

起服阻病蒙中丞圖公許爲代疏感寄三首

鳳闕渾憐烏鳥微銜書觸網聽歸飛掖垣回首恩  
猶切風木縈心願已違使節絲來通怙冒端門近  
得庇慈輝更瞻 聖德蓬蒿下朝野情孚袞繡衣

一賦山居鬢雪增二天長倚大中丞青雲每傍青  
陽轉紫誥頻頒紫氣凝入部烝黎融曉日環臺曹  
掾凜春冰魚潛蠖伏俱隨意竊比文園臥茂陵  
期迫趨朝困採薪柏臺高義達 皇仁天回北斗  
依司憲士託西疆有釣綸未惜村農生事拙猶觀  
軒紀歲華新欣欣扶杖來蒼野處處流霞照綠蘋

歲除寄董太守公

嶽麓東隨五馬來河濱北望片帆開龐公轉自依  
州府鄭老猶能耐酒杯淑景遍融堤岸樹晴雲先  
照閣中梅荒村伏枕逢王朔下榻傾壺好信催



改歲將迫有懷許糧藩無功

五夜酣歌月色澄三移玉筴曉霜增客心長繫南  
州榻年事猶寒北澗冰談愧茂先推博覽奕陪安  
石有深燈忽迴珠斗開新歲何路重吟畫閣藤

雪二首

歲內探春早朝來對雪凝蘊舒冬煖覺消息曉寒  
增雁候迷遵渚魚游困陟冰喚兒問衣袖花驗五  
堦會

朔吹千厓急同雲萬里看風霜飛柳絮節氣促椒  
盤病採冰林暇吟調玉燭難乾坤多窶乏共汝念

晨餐

壽沈母龔太君卽寄令子蘇菴二首

太君端毅公妹

端毅清門內外宗夙傳歸妹抗名封傳箴班誠當  
年著姜績陶鯁曠代逢省憶金閨聯詠雪猶擎珠  
掌兆乘龍

謂學憲許公生洲其東坦也

北堂燕喜人長健何用

鳩飛數尺筇

奕葉休文綵袖褰勤宣閣教滿中原冰霜高節懷  
持蓼海嶽徽音起樹萱青鳥競銜春酒賦紫雲遙  
撫絳人言承歡自與嘉修合六翮能彰母壽繁

告病值歲暮感懷寄茹明府四首

荒村白日閉柴扉病裏青陽序不違自缺負薪虛  
曉嶂長教沽酒滯斜暉山雲度臘情俱嬾澗樹逢  
春色尚微爲報故人招隱得先須料理薜蘿衣  
老至驚聞年事增冬殘諸負莽來仍寒朝採柏非  
儲飲永日囊書但曲肱思友正嗟吾道敞放歌難  
遣宿愁凝幾人時節蒙相憶西望岐陽信可憑  
中原壇坫久荒涼夙好詞人略散亡獨子風流承  
彼美同時俊顧遜年芳鯨魚碧海攀徐及翡翠蘭  
枝許並翔興發每看關路近潛期應與歲華長  
樓上清商起素琴一彈三歎爲知音隨風擬徹良

工耳撫跡應憐作者心鴻鵠願同高奮翮鷓鴣材  
薄暫依林君鮑雪詠清多暇獨坐懷人春草深

起服請病蒙邑大夫胡公慨具印結歲除始

報二詩

俯仰文園多病身藜牀藥裹自依仁恩推符狀操  
彤管力轉台司徹紫宸因鶴女眠垂翅日冥鴻  
託息漸磐春朝來枕上聞鄉社擊壤東臯淑氣新  
西土神明漢闕才剖符清靜種花開和風應律啼  
鶯至秀穎先春隴雉來百里流膏輿頌合三年報  
政璽書催吾儕歌祝元循分况際椒盤獻歲杯

胡秋亭以所作時藝屬點閱却贈

公子貽來五色光彩毫星斗鬱垂鉞同推時論騰  
吳越不墜宗風溯鄧黃此義承歡蘭玉重佳晨發  
篋酒杯長自憐失學從兒嬾相對朱雲單父堂

受祺堂詩卷之三十一

中南山人荆東李因篤子德著

秋日寓青門承費司馬甘菴招飲歲杪有寄  
諸公戟戶盡嚴扃獨敞前除寫玉瓶恰值臺符橫  
道路猶看賓座滿池亭秋深水抱樊川白雨歇簾  
開太乙青歸臥長林春又近幾迴幽興接郊汀  
病臥喜父亞沈燕賓先生新愈因寄

長者齋居省侍疎川雲澗樹兩躑躅遙驚小極傳  
旬朔忽喜佳音接歲除閱世能高敦行傳承家不  
屑計然書冬來寒暖乖常候更慎風霜健步初

除夕十首時立春已涉旬

驟舍衰麻日猶餘老病身  
逋呼多擾歲賦役久先  
春好問思良友清談過密鄰  
宿愁攢此夕堅坐待  
司晨

晚覺修名誤貧憐學稼宜  
及冬儲菽藿乘暇補茅  
籬適野綠蘋見占星朱鳥  
知行藏付農圃未許薄  
樊遲

失學悲殘齒安貧保賤軀  
東皇新授令北斗已廻  
樞日月中年速關河舊侶  
殊宵燈嘗自守謬冀補  
桑榆

令節休羣婢寒春愧老妻  
笑移高士臥齋喚太常  
迷歲月初鴻雁乾坤尚鼓  
鼙白頭嘲互解青杖勉

相攜

高士句用  
王儒仲事

弱弟疲奔走嚴朝耐雪霜  
年歸雙澗靜日暮片雲  
忙並隱懷新息齊名負季  
方無才能庇汝不敢怨

從商

靜本  
作暇

客至逢扃戶冬來不出村  
高眠吾道得爛醉野風  
存汎掃頻催子舍飴只弄  
孫芳梅舒早萼且喜照  
雙盆

據几塵仍在抽毫濕未乾  
苦吟渾有癖多病強加

餐得句披衣起開書就燭看短牀清不寐長似度  
除寒

列炬中宵啟連觴屬歲分少微留野宿佳興託春  
雲草昧先賢力文章處士勲振衣呼杜甫應共爾  
為羣

有使頒春曆從官餽土牛月匡環榻翠泥澗抱村  
流薄穡仍兼秫疏毛亦自裘幾時通藥餌隨分足  
忘憂

雪莢看將茁是夕銀壺聽漸高牧羊堅晚計浮蟻

動春醪一夜墻烏影三年隴樹濤不須傳綵勝音

響接東臯

寄題潘半峰徵君枕流草堂兼呈令子浣濤  
用許督學公體

吁嗟巢由不可見寂寂洗耳無其人一派南流去  
不返遺風乃在清谿濱東吳令望黃門族有老幽  
栖綠水曲擊壤恰逢堯舜時高眠不出箕穎谷草  
堂親築溪斤長迴繞衡門泌洋洋欹枕潺湲差足  
聽不聞人代幾滄桑許之後裔援溺切謂學憲公朝發  
林泉暮稷契夙契常攜彩翮飛時浣濤在許公幕新篇遙  
並白雲潔江河滔滔日難憑瀉貯那辯淄與澠適

受補堂詩卷三  
三  
會春飈吹大雪扁舟訪隱與相乘

元日

歲在疆  
圍單闕

元日開蓬戶晴輝盪雪岑  
觀鄉存旅拜聚族享餘  
歆十載風塵迹三年涕  
淚音躬耕將自老酌酒對  
山林

晴

逼歲剛憐雪凌晨已效晴  
被瞻蘇宿滯膏潤達羣  
生皞皞春施祐油油物向榮  
比鄰皆有作吾亦課

東耕

就曝老夫事朝暉除敝垣  
柳舒新蕊急梅放好枝  
繁出牧牛羊喜爭飛鳥雀  
喧青陽初見德淑氣滿

西軒

人日二首

上日逢人日爲鄉是醉鄉  
澗流開宿霰山郭擁朝  
光柳帶衡門隱莫舒靜晝  
長病中差遠俗高枕到  
羲皇

晚歲頻耽靜佳辰一放歌  
天晴垂華掌雪盡瀉黃  
河綵裊兒孫得辛盤里巷  
過故園春色好分向草  
堂多

穀日二首

萬族人爲貴羣生穀是天黍粢營舊社雲物驗豐  
年尚友南陽得餘春北郭全雪消河正潤移柳問

東田

拾薺初盈案鳴糟已注牀歲功興雨水

時已月中

村鼓

會句芒託老農夫足承家祖澤長客來談世事酣  
臥仰春光

馬嵬和太守公作次元韻

上皇駐蹕自成村同輦淒迷玉帳魂碧草空隨荒  
塚暮黃沙猶帶戰場昏人間粉澤傳遺土海上蓬  
萊泣舊恩忽遇使君高詠出春風含笑夜臺門

奉答許學使公和予岐山聞生孫次崆峒韻

之作

予雛慚彩翼有息附公孫世結孩提講天通顧復  
恩遑云陪馬乘莫但數雞豚願託廬陵下肩隨並  
在門

奉答許學使公重九頻陽雨中信宿仲春再

過阻雪並延予使院別後見貽之作廣三

百二十字

下邑僻且陋朱輪遂希睹受塵蕞爾區彌望惟蔬  
圃况我山中人顛毛絲半吐虛聲轉自蔽進退茫

無所高臥常移旬忍飢不出戶往時錦帶交遺置  
誰復數晚事許使君司衡臨西土狂歌具生平託  
契傾肺腑年久誼益堅道長音能溥雷陳膠與漆  
俛仰並千古藻翰舒征車黃花照左部未遑暖坐  
席嘉問垂環堵幕底羅衆彥宗風振鄒魯觴追戲  
馬臺賦接藍田武時分少陵崔氏莊玉山高並好  
兩峰寒之韻刻燭各拈二詩好  
雨知留客連宵屢及午渾忘披裋褐醉影雜簪組  
朔氣明皎日春陰散平楚會公行上郡紆節過旁  
岫濯濯臺角旌輝輝壁間弩朝閣啓嚴關夕漏迷  
戎塢推分庇吹篪時舍弟有雀  
角賴公獲直駐車兼禦海江瑤

陳秘笥飽食脫賓主瀕發裝忽停凍雲塞極浦縱  
橫白雪飛盡萃郢人斧別緒蒹葭深幽期歲月阻  
雙魚玉塞傳幾曲清商鼓相去萬里外撫塵猶思  
補悠悠建安來奮筆曹阮伍負性亦耽吟才微胸  
鹵莽所嗟良工難寧識作者苦感此骨肉恩遙施  
騷壇祐終慚龐德公乃不至州府

詠史得泉字

許由辭天下高步遂獨還何乃逆旅翁坐疑竊其  
冠臨流一洗耳顧影同娟娟邈矣從此逝悠然入  
箕山舉頭見巢父行牧來河干斯事誠不細足爲



故人傳聞之長歎息去去勿復言未忍汗吾犢疾  
驅飲上泉

夏五寄太守董公

春草扶趨召伯筵夏雲長傍野谿眠千家麥菽盈  
新圃比屋壺觴起大田伏枕能忘前著力躬耕喜  
有屢書年遙知蒲酒開清署賜著宮衣五色鮮

承趙贊府驗病後報可却寄

顛急臺門困屢呼春風飛鳥下榛蕪曾推風好披  
肝膈不使殘生委道途永日園林聊遣興豐年藥  
餌未愁沽只今簪紱朝如錦何必鴛行少病夫

夏日寄邑大夫胡公

招隱風清水竹居令君明德庇樵漁愁連貧病耽  
高枕老信行藏戀敝廬長許裕雲舒逕在不教蘿  
月挂牕虛鳳雛相憶經年別謂秋亭公子延佇佳音慰

起予

承聞學憲公紆道過訪並就晤宋隱君喜賦

二首用宋韻

傾耳軒車迫驚心澗道荒夏雲知引蓋山鳥佐行  
觴野興通吳縞幽期間楚芳衝炎紆使轍錯比鄭  
公鄉

病裏加湯沐庭前汛掃除侯門千里駕娛客一牀  
書隘巷愁盤馬空庖缺饌魚里鄰喜相告佳氣滿  
吾廬

夏日伏承許使君四山邀同胡明府鏡水潘  
徵士浣濤垂訪村居並取晤甘泉宋隱君  
子禎因延表弟朱長源摘蔬漉酒肯留及  
夜適榆塞趙文學子實至自池陽兒子渭  
侍恭賦長律一百韻

使節臨東部星文動北躔紆回因訪落契濶到思  
賢時有劉欲就晤宋隱君恰迫炎飈競遲揮午景偏途長無

息軫地僻少鳴泉四牡聲將及雙鳧翼忽連尋盟  
徵好會領客喚高眠漸轉層峰下俄馳曲澗邊旆  
旌渾引却駢導不充前執執祛軒蓋披塵跨馬韉  
微雲剛鬣隼茂樹稍葱芊霽靄朝欣接佳音昨迸  
宣關河皆吐氣邑社互驚傳玉珮孤村得彤騶陋  
巷延揭來開草昧觀者任喧闐土砌寧餘趾蓬門  
僅庇肩供張慚弗給灑掃布維虔愛溼寒溫備裝  
輕輟贈聯薦蘿敦宿講金石訂真詮斗酒貧家足  
園蔬樂歲絲散函娛永晝燒燭啟初筵摘葉槐淘  
冷融霜杏酪鮮良朋通欵曲溽暑奉周旋或訪葩

騷舊成傾肺腑堅須裁尊大雅受鑑託停淵  
燕豆循常設紳裳恣意褰歌秦沿擊缶逮夏入薰絃  
雨瀉疎筠細嵐飛晚嶂妍杯深霑漏刻飲適泛爐烟  
脫畧台司體紛紜弟子員狂談知越分野集謝多  
愆下食兒兼僕移牀坐缺羶包荒聊就枕遣侍各  
分塵敢卜平原計違留信宿緣後期申疊疊岐路  
重拳拳尚憶征軺始曾驅列騎先前予在疾偶至青門蒙公先施  
棘人徐載贊蕭寺亂聞蟬賜啜香羹滑拚除飢味  
羶穢含蒙老母牲鼎照新阡小別魚鱗屢遙空雁  
翅駢問遺頻倒篋衷緒滿懷箋吾道方攸恃私恩

莫具編輿情乎曠蕩士論喜騰騫詎假風霆力爰  
提造化權崇標勤溯本絕詣必窮顛俯挹黃流醞  
攀捫華掌蓮刊隨齊拱嶽疏決總趨川近代衰俱  
起遐陬俗頓遷漢京森秀孝姬轍正宮懸更睹思

皇作

謂所刊  
試牘

彌親典敘篇

公有  
條教

苦心彰藻采明義

凜丹鉛韻業恢恢奮詞鋒處處研羽苞瞻所發熊  
虎兆于畋報績同倫首探幽是役專精神昭夢寐  
禮法破拘牽邃谷掀衣出巉厓納屐穿藜蒿餐卽  
飽瓦礫暮忘還倚木題叢桂摩霄詠戾鳶每陳江  
閣榻爭返剡溪船曳帶吹樵響催輪拂釣筌名山

舒嘯傲泌水弄潺湲况秉嚴程急翻饒逸興遄縱  
橫逾萬里晦朔迅三年嗜古資憑弔耽吟取靜便  
繫腸恒怒若迴眺獨蒼然振跡晨襟爽凌危物慮  
蠲雄圖煩歷顧往哲賴追銓染翰嗟垂瀑援毫訝  
擁椽邦謠營慘澹塞月攬清圓緬仰多君直刪塗  
恕我癩從遊超象表此席冠垓埏內省祇栖鈍旁  
窺實抱孱潛修今棄擲壯志久迤邐但闕緡書牖  
誰貪負郭田羞承時拔茹嬾逐衆翩翩邸爨仍淹  
朔階莫幾易燕譙鐘醒困旅佛火伴枯禪啄雀招  
當至慈烏忍自捐濫竿冰署秩糜費水衡錢世運

亨交泰朝禎蔚似仙抽身安蹇劣匿影避嬋娟寧  
辱誠何有行藏庶苟全排闥矜異數乞養促歸舷  
閭闔崇簪笏乾坤靖鎧鋌頽毛板就整老病鬱相  
纏賤子嘗疎甚羣豪亦舍旃汎施雖名鶴凝望已  
啼鵑誓欲浮滄海要宜訪偃佺柴荆甘阻蔽沼沚  
隔漪漣受性詩爲癖殘齡悔未悛竟輸康瓠寶虛  
嘔麴車涎那復叨殊契揄揚擬太元泥塗能感激  
弱薄仗陶甄歲序滋加厚存亾矢並鐫澄芬頌戚  
艸襍贈耀花鈿承內親家夫人屢脫老妻宅相光宏閎仁長世  
宰公愛壻公孫繞勁弦過逢才遽展洗滌疾應痊握手

沈憂去經春積思煎漫勞殷采葛顛肯慰停鞭竊  
謬侯生比真邀鮑叔憐綢繆難悉記隱見約同天

溫掾母唐氏 詔旌貞節建新坊成索詩因

寄

彤雲 紫詰荆山下 詰入人家雲照野颯颯晨

颺吹不飛琳瑯華表起蓮社 至尊動色詢苦節

耆舊含悽說初寡慈筭雕菰有光輝曉烟夕月同

瀟灑晉陽清河皆茂族椎布操作悚觀者縹緲江

關懷遠遊鹿車相挽不相捨病姑垂白須往掖姑

獨乘車妾先馬忍使纖纊疎在途時擎冰漿逮長

夏良人採薪困天末背面斷指輕土苴總貸須臾

誠有神難齊修短淚如瀉姑危夫棄載降割女叫

兒號聲垂啞二十年來畢冠婚三千里外歸廬廈

渾留九泉水霜危盡洗萬古粉黛假 綸綍承恩

金滿攜邑鄉趨拜酒盈把巷謳衢頌彰潛德憑軼

褰帷底大雅巨構驚聞喧里閭貞珉忽復耀松檟

我生之初桑海仍高斥爲谷谷爲陵釋甲橋外抱

遺恨陳情幕前應且憎掉頭翻掌過疾隼含垢小

心陟春冰舊燕低回別畫榭新巢高下張華燈鳴

呼養士不得報俛仰於今空愁疑却取浩氣輸巾

惆天清星寒耿玉繩清流唐三原人地有清水東遶溫澗溫泉

水在富平溫居近之住碧水淡沲漆川澄漢時秦祠久寂寞

荆嵐浮嶂荆山浮原並在富平虛峻增迢遙行旅來溫谷歧

足新坊數見稱婺婦徬徨楚妃笑吐宮激羽從此

興 聖朝况當廣孝理纖細有善能勤徵不藉是

母逢是子誰知其淄辨其澠使君錫類詠黃鵠謂學

憲公良友哀吟箋綵繪諸賢俱有贈章旁剔幽微洵吾願內

慚衰薄力未勝感時撫事一長歎抽筆臨文中蘊

蒸但見孤村石柱上中宵嘗得蛟龍憑

題許使君所藏宋觀察荔裳先生手書詩冊

二首

觀察風騷裔心期海岱長歸雲羈蜀道入觀值醉亂阻還

月判炎方曩客鄂見訪留數日撫故驚搖落臨文憶散亡相

看同夙契拂拭互沾裳

每惜清商杳猶憐彩筆遲宦遊何處問詞翰此生

悲嶽靄板應得江春照不遺孤鴻能一響發興為

鍾期

苦吟戲嘲宋大因素和

此老同詩癖相逢卽放歌風來吟席靜月向夜牕

多漫訝何生亮將拚不詔佗條然雙白髮底事苦

婆娑

寄傅梅臣文學二首

西都芳樹一蒼然北地詞人接少年遂有新詩推

武仲漢傅毅字武仲作迪志詩長饒雄氣比文淵馬伏波字文淵沿郊

數問情渠竹觸暑同吟白社蓮更許潛期通澗水

柴門曾過孝廉船令弟鹽公會見訪

清河自倚玉壺冰謂尊外舅子遠先生並對長天洗鬱蒸正

取芝雲憐宅相還開緇帙慰吾徵興來時弄烟溪

月賓至耽留畫榭藤別後炎風吹浩浩良宵空憶

酒如澗

送許使君無功之滇臬任山時自關右大叅新

擢四首

鳳曆欣開二紀餘鴻綸更與萬方初時沛大赦下車解

網恩猶狹風動時雍世自如陝右藩宣蒙夙好滇

南觀察慶新除棠臣一德分邦憲不盡 皇仁倣

詔書

夙昔逍遙畫省即褰帷曾此借龔黃公自駕部出為順寧守滇

也支郡十年青鬢今何似萬里霜威到有光羽檄向

資全越著公為紹興守值閩寇方張冢宰李公以浙督調公軍前重其贊畫遂遷副使

新春遙靜百蠻疆政成高宴同僚屬天畔銜杯漢

署香

散帶高秋坵席溫公餘三載奉清樽天文秦野通  
滇野驛道荆門定蜀門舊邸圖書空夢寐殊方賓  
主自乾坤臨岐展轉傷頭白况復驪歌未出村子時

告在

忽見雙魚出渭橋

公寓書言別

聞君六月染星軺蒸雲

暑雨王程急逃馬征檣客路遙叔重談經遠博覽

漢詩五經無雙許叔重

蘇公屬史限層霄

尚書立政篇司

寇蘇忿生敬獄不愁江月連湖樹自有清風蕩畫

橈

惠孝廉過訪辱贈詩次韻答之

東莊流水送新絃寂寞柴扉引暮烟正苦朱雲縈

瓦閣翻驚白雪下瑤篇頻留澗道空罇過並步濠

梁落日懸

用惠莊事

眼底秋風能薦爽前期重待竹裕

邊

雨

伏暑中尤甚陰雲夜漸繁風鳴吹雨急露宿起人  
喧聽雷頻欹枕呼童小濬垣詰朝迎爽氣書帙快

新翻

雨



夏雨不辭數秋禾方待成夜涼侵几杖天黑動簷  
楹病肺高眠穩吟詩宿興清薄農慚未及之野亦  
怡情

遙題康大孟謀澹園次衛太史紫岫先生韻  
名園東望大河秋尚託彤毫紀盛遊所謂伊人長  
閉戶印須好友一登樓松雲臥聽濤聲轉石徑晴  
看黛色浮更展遺詩懷往蹟白雲滄海不勝愁

賦得暖老須燕玉嘲宋大

有序

杜詩暖老須燕玉趙江一婦人也以燕趙多  
佳人美者顏如玉爲解 牧齋更述顧大韶  
引玉田種玉亭故燕地也禮七十行役以  
婦人八十非人不暖宋年踰六袞無家久  
賦此嘲之

暖老須燕玉佳人問土宜念當消渴久空有望梅  
期落月孤相奈微風早自知楚臺多暮雨神女竟  
何爲

小兒滿歲月例陳諸物觀所取以知其志先  
太孺人云余取書孫同亦然識之以詩

爾祖篋中書吾孫試志初取攜同此物騰達定何  
如拜跪儒家有

孫已解此

風雲客座舒

是日雨

扶陽經術

受補堂詩卷三  
五  
在憶母獨躊躇

是日答子禎先生

攬揆孫知雋貽謨自覺疎欣承佳句及愧荷綵衣  
初愛屋烏皆好當門鳳不書雨深良有意留客醉  
前除

代三賢書太守公屏三首

衡門泌水傍山居坐接清風蔭敞廬古道頻來京  
兆馬幽期不問漢陂魚治成經術揮筐篋才洽謳  
吟臥吏胥借擬歌功兼介酒幽詩七月大臣書  
鈴閣渾高董相經使惟隨意綵雲停豐年禾黍車

頻到暇日笙簧客未醒叢靄時開關樹紫翠微偏  
送嶽蓮青美人躋酒懷東部長對山榛賦隰苓  
太舉峰陰撼石橋使君曾此駐星輶不耽柳色秋  
來醉爲愛山光雨後樵入郡心期連淥水躋堂朋  
酒上青霄西風吹徹鄉關興萬里棠歌起畫橈  
鄭使君司直以治行第一大臣公進于朝

自涼莊少叅特擢楚臬時齋捧畢還青門  
喜賦五十韻卽送之任

聖德綏侯甸疇咨傲掖垣一戎初蓄軫三事接臨  
軒舉措天心切安危世慮煩課廉先大吏衡實徧

中原濟濟簪裳擁蹌蹌帶紱騫在庭皆動色師錫

有孚言共說榮陽秀方分隴右藩起家雄國史銜

敕濬詞源並見七言注最報名都愜已見勲登冊府繁維

皇顏忽霽夾陛喜無喧 睿眷高移楚朝旌甫去

閣旋車承寵渥秉臬拜 新恩慶卽殊疆被賢須

曠代論輿情僉已滿直道庶能存氣誼河山得忠

誠肺腑敦每聞籌運數時欲正乾坤况陟台司迴

頻霑制詔溫已見酬知看俊鸚賜地徙長鯤執熱聊

停蓋懷人數倚鐏寓書來澗戶垂橐下荆門自愧

幽居僻遙憐曉日敷寤歌縈玉珮消息近芳蓀此

處嘗羈旅予舊客楚他年引夢魂賦哀鸚鷓翼啼走杜

鵑痕李白湖親到陶公柳屢捫莽流滇徼羽俄跨

蜀江屯返里驚霜角逃生臥石根何圖鄰驥駟轉

幸識瓊璫使君侯補入關與余定交客預鳴珂飲寒依使院暄

飛符安塞域抗禮肅臺轅已見歲月同憂患風烟迫

駿奔好音違度野多病只棲村昨際朋簪盍去秋重晤

青門會開宿霧昏杪秋傾邸釀中夜沃盤飧緬覺心

期重恭惟憲節尊明謨彰沔鄂憩蔭展崑崙昧谷

宜通燧澄輝定舉益更經殘戍壘猶對古烽墩未

審瘡痍復深愁喘痛吞虞刑懸象魏漢法長兒孫

整飾仍餘暑吹葭亟用元國將舒瑞莢民盡種慈  
萱閉閣恒休掾連圻早撤樊冰壺堪競倚藻鏡忍  
誰誼貫索鉞應伏弛繩議不寃清飈吹豸繡偉望  
啓熊幡碧樹行觴逮驪駒傍席蹲別還牽帳幙歸  
但理雞豚授鉞良基是官占雅命昆君如踐台斗  
託庇老丘園

京兆曲奉爲太守董公壽

京兆古爲司隸州卽今爲郡冠金甌大河喬嶽在  
封內三十七城如繫旒師尹代殊地不異趙張名  
遠才堪求剖符不但雄邦域天下安危託上游

皇帝龍飛二十載自天西顧恩長逮 敕書獨簡

江都公關輔猶存野戰壘叱馭俄聞增氣象塞帷  
所至有光彩功曹奏最先友邦冊府酬庸跨寰海  
憶昨公來青鬢妍纔如高密拜袞年恰逢禁旅當  
移鎮爭奪牛車或控弦公出奮身喝熊虎不時傾  
篋安市塵偃旗息鼓須臾事疆詠衢歌道路連惟  
大中丞中外則好修久自過庭得傳家琬琰世成  
史接跡鼎鐘朝競勒退食散帙復張筵山榛隰苓  
遙侍側公嘗示之大人訓滿座賓客皆動色七月  
幽風華黍香豐年屢及介眉觴自憐笑笑竊在疚

南堤躑躅違躋堂晨攬我衣秣我馬載塗朋酒鳴  
羔羊披圖按籍吟斯曲錫福于公壽且康

贈胡明府壽兼謝盛夏枉顧山堂二首

秋氣初高曉露明美人爲政跨連城漢疆禾黍千  
家色函酒笙匏七月聲束帶自公無雜語披帷懷  
古起深情村居鬱鬱違嘉會一望荆雲澗樹清  
列宿光輝接敝廬炎天軒蓋訪樵漁山中聊及行  
春暇澗外還停卜夜車三載好音惟鎮靜九秋安  
臥足儲胥金風菡萏環城發玉帶滌澗抱郭渠  
寄盤屋學博劉茂琳茂琳爲姻家石生族孫

兼書卽事

蘆關近灑八龍哀

謂石生昆弟有八人

盛族從知博士才趙

客存孤猶異姓朱虛穉種本同苔三秋塞遠音塵  
及二曲帷高俎豆開自得瑯玕疎報玖愁心况攬  
朔風迴

送岫雲先生還山兼爲諸羽士訂後期

吾賢遭亂西入關華頂結廬遠人寰石室月明夜  
自啓裕巢雲臥秋長閒有時驟龍過白帝成日駕  
鹿遊青山鐵鎖挂壁蒼苔澁丹梯摩霄未可攀憶  
着黃冠下澗北春花照水同顏色子房辟穀嗤太

晚園綺定儲薄其德吸露餐霞老難移明星玉女  
 恒在側義和駐御叱倒景億萬斯年看畧刻說經  
 愛說南華經蒙叟曠如新發礪古洞幽蛟出易服  
 高巖鳴鶴潛垂庭關門再聚真人紫漢閣空傳太  
 乙青咫尺况接周南路河圖洛書夙降靈先生維陽人  
 閔予三載罹荼毒重見生芻來一束客比南州肯  
 下榻人非有道期如玉嗚呼論交本所生與子大  
 義兼相最旬朔菜羹堪共飽曉霜裋褐亦隨足霜  
 清木落客欲歸肅肅涼颺增長威戶外羽流仙舄  
 擁階前遙迓彩鸞飛鼎州古是冲舉處唐田真人於美原東  
宮拔宅飛昇于之自出也沿溯淵源仰遺徽竚待芝車開淑管

東壇春草幸無違

賀許學使公舉第二孫

郢樹南枝數尺清頃見秦珠中夜傍臺明戟門四

世歡相接江閣重關氣欲盈入掌秋輝隨照乘齊  
 眉物望總連城佇攀祖德躋開府兼慰山公宅相  
 情

十五夜卽事呈子禎先生二首

歲在疆圍單闕

雨望秋偏急晴霄暮獨違簷虛遙見影雲薄澹流  
 輝花萼團清夜朋觴倚少微蔬盤從簡略俯仰素

心歸

地界烽烟靜秋期桂杜新猶憐滄海月忽照白頭  
人色迴頻移漏光開判及晨菟園佳客在取醉不  
辭貧

高平牛月三進士過訪却送東還二十韻予  
之先晉人也篇中及之

忽枉山中馭微留澗外曛故園通俯仰佳氣接氤

氲隴右遺封合

牛與李俱望出隴西

條陰受族分過從忘陋

巷沿遡慰離羣遠餉雙罇酒兼攜一卷文

示所作制義

詞名欣被擢作者競推君已植元初熾渾清帖括

氛高嵐垂袞袞叠浪起沄沄

祀賦車仍繫

并出輓貴房師

孫明府詩八首

開械笛歛聞謳談酬夙契把玩襲餘芬自

種關西柳長瞻冀北雲舊遊志傳畢

傳徵君公宅畢方伯亮四

皆新逝

吾道憶河汾醉酒空知處尋芳久易薰奔駒

希駐景逝水絕還紋邂逅新歡得縱橫逸興紛撫

絃拚試奏囊穎欲輕焚度雁鳴寒雨流螢寫練裙

歸裝頻訝急晚坐莫辭醺甫息連江戍猶傳出塞

軍飛鳧觀仕始努力建殊勲

寄答胡季子次來韻胡汾之高士也時客京

師

廣陌明秋雨深林鎖暮山得書青鳥外期友白雲  
間愛弟同遊雜佳兒昨度關採芝兼定嗣千載怨  
商顏

受祺堂詩卷之三十二

中南山人荆東李因篤子德著

許學使公既入關舉冢孫于京師家少宰命  
名秦卓子見之青門因賀次孫生並寄此

作仍景文韻

攀喬懷自出遶膝晤元孫已具人倫表應延世族

恩喜雜能附鳳啣馬但聞豚

漢詩苑中三公館下  
二卿五門嚶嚶但聞

豚聲河南  
馬氏事肇錫嘉名得仙源左掖門

送費司馬還籍

東亭尚憶羽觴飛世路艱難竟拂衣僅有琴書裝



受補堂詩卷三  
一  
敝篋空教鷗鶴散前磯關門露重車聲遠灞岸霜  
寒柳葉稀亟擬借恂淹臥病天高况隔九閣扉

九日二首

九日晴輝淨諸峰翠嶂開病身拚對友佳節強登  
臺早滯黃花發霜同白雁來涼颺高轉細撥悶得  
徘徊

秋野明如拭秋雲淡欲寒那遺三徑酒休落萬年  
冠到手莧枝健褰裳竹葉乾偶逢僧社入丹樹暫  
留看

酒間答宋隱君二首同習大令玉臨宋次首

用寒韻因步元韻一首

野興習池隨秋憐宋玉悲天清堪眺遠地爽更登  
危關塞狂吟合

前代楚之遊  
宋多與俱

江湖短髮衰向來遊

宴處惆悵不重窺

西候炎涼異東臯跡緒煩遣時耽菊日憂世想桃  
源佛鉢通秋杖村醪照夕軒逸情嵇阮共詠唱有  
高言

感懷再呈二賢二首

節序催秋晚林泉發興深憑虛懷故舊撫景惜登  
臨遠下亭臯葉寒流澗戶礎柴桑惟嗜酒出處遂

何心

老鶴三秋槩  
賓鴻萬里天  
摩霄時奮翼  
屏跡但高眠  
西陸飛雲表  
南山採菊邊  
散愁成緩步  
蓮社有同賢

重疊前韻六首

節好渾宜飲  
村荒尚有臺  
躋攀輸少壯  
坐嘯託蒿萊  
古澗秋風落  
疎林野照開  
經年多伏枕  
是日稍趨陪

轉覺秋陽熾  
虛疑白露寒  
三農愆末序  
百卉冷雕闌  
晦霽移時得  
郊原應候看  
從來談世事  
不到竹皮冠

舊塢留城角  
新苗涉寺門  
地高雙澗迴  
秋晚一陽尊  
剝棗山房竟  
除瓜井架存  
浮空雲不薄  
似見雨垂痕

散步忽忘久  
徐歸凝所思  
燈前仍有述  
酒至欲無辭  
身老憐霜葉  
時清憶紫芝  
願存貞秀性  
同保歲寒姿

佳日登高處  
美人遲暮心  
西風禾黍後  
北望翠微深  
掃徑探芳色  
銜杯洽素襟  
相關復何故  
永夕自沈吟

獨坐還吾道同遊許二賢星霜憂不細  
枯菊夢相牽但醉東籬酒長吟北郭年  
平生江海興晚節倍條然

菊

得時字  
親字

籬菊嗟何晚瓶花慰所思猶當勤雨日  
時久忽寫傲霜姿臥久荒三徑情深把一枝  
更憐憔悴極相對獨醒時

遽爾來佳色悠然憶美人餐芳清着几  
裛露靜無塵海岳悲秋興乾坤抱病身  
幽居揮俗物獨此寄情親

再送費司馬五首

青門秋霧暗出處亦難知雁翮飛騫冷  
龍媒蹀躞遲關河懷舊德歲月渺前期  
觸目悲貧病蕭然賦別離

去家長作客投郡適何人所過跡如掃  
惟公情最親深觴時照夜積雨動移旬  
忽聽陽關曲回頭百慮新

傳書過澗北念舊損征裝落木晨飈厲  
浮雲去路長三秋催短景一夜有微霜  
此意勞珍惜驪駒緩下堂

棠陰行部裏柳色暮筵中東望愁西候南車逐朔  
鴻吾衰尤慘別臥久不禁風歎惜征塵遠淒涼落  
照空

使君垂橐返行道萬人看祖帳黃花合離亭白露  
寒賓朋同洒淚父老待彈冠 聖主矜民欲東山  
起謝安

寄學使許公兼介初度同子禎拈文字廣三

十韻

野霽青松色天高白雁羣溯流推彼美慷慨念斯  
文受簡 興朝著論才盛族紛雄風延楚服大雅

接江濱昔肇柏臺武猶銘銅柱勳令祖中丞公撫西粵採蘭

馨子舍餐菊慰徵君封大夫里選未仕遂啓金閨籍初凝

玉署芬公起館職吟酣頻緩組興到或書裙列戟行容

裔含香氣肅氲西曹詞賦合左掖度支分歷比部遷戶郎

最是孚衡藻偏多萃錦紋鹽車曾判冀桂權復橫

汾分較北闡典山右試比靖炎荒檄遙歸朔徼軍上游懷嶽

輔師錫動朝曛報可 皇心鑒維時 聖眷聞

敕宣春巳亟旌發夏方熏孝秀馳聲早前科鄉闈亦公部送

莪髦理緒芬入裁蒸蔚蔚含穎拔紘紘是科有萬選拔

里憐霜月三秋徹紫雲干霄齊奮羽束帶競傳纁

時諸孝廉  
請辭頌公  
溉沃皆承露  
畚總戴耘蒙知兼骨肉

竊芘洽榆枌  
憶傍喬柯迴  
渾移樾蔭薰  
鯉趨攀翥

鳳駒汗附飛  
蠹公子仁長余姪壻兒渭叨  
過隴源

俱得謂予與家少宰歌桃實再賁謂兩甥誼孚瞻並逮情至

欲何云筆彩寒仍照  
爐烟靜自焚良晨  
寒燕席爽

籟却遊氛酒度秦  
關景弧凌漢閣雲  
南山吹積翠

展爵未同醺

田家詩暇日用杜擬陶得近體二十首

平昔慕農圃及茲歸故園  
春風桑柘渌野望麥禾

繁荷篠東鄰叟傾壺北牖軒  
陰晴聊答問此外欲

忘言

面郭三百畝築園尋丈間  
柴扉晝嘗閉榆柳自閒

閒春草非一色暮禽相與還  
為農時有會永日悅

心顏

華陸暮思雨杖藜來一登  
嶽嵐清可見河氣朗初

凝正爾南畝急鬱然東作興  
頗聞田峻喜豐歲有

嘉徵土俗頻雨則華山見又河練如帶垂矣

雲氣已盈岫雨鳩聲在田家  
臨雙澗水日引北山

泉操畚課僮僕荷鋤相後先  
躬耕盡吾分庶可畢

殘年

早起衡門下天晴布穀啼耕人已盡出吾亦扶其  
犁流水新渠至炊烟古社齊牛羊駐旁阜饁彼候  
山妻

良晨欣命駕獨傍野田行靄靄綠楊裏交交黃鳥  
鳴春苗方吐實夏木已敷榮感此時節換駐車移  
我情

陶公性好飲夙昔苦家貧賴有江州牧溯流風味  
親遺錢充酒價不致解吾巾淝水千載後乃能追

若人

謂許使君生洲

多謝賢茂宰百羊遺長成薄農幸借沃豐草相呼

鳴時伴牧兒去屢看羔乳生逢年何遽擬所感故

人情

茹明府紫庭見貽百羊

生無諸俗韻弱冠好羣書亦復計衣食力田難自

疎培瓜引蔓起種樹納涼初就視前畦亂課兒吟

且鋤

兒涓讀書園內

大車輿任重攜負復非遙雖愧上農稼所登欣已  
饒薰風來澗曲把酒聽鳴蜩鄰婦屬遺穗受餐同  
詰朝

近與狂歌客南園日暮時場陰同藉草興至或談  
詩一席桔槔外數杯斟酌之當年沮與溺託契諒

如斯

宋隱君子禎  
近館於此

爲田固有畔灌溉分同波偕隱先親志耦耕遲暮  
過猶須促雞起不必扣牛歌今日閱吾稼孰論於

仲多

舍弟材近緩于  
耕以此責之

星火趣羲馭雨餘明潔輝園中清露落樹杪白雲  
飛松桂望仍秀黍苗吟不違泠然送風善日夕憺  
忘歸

宗老秋圃側欵言稱所欵世榮詎不慕衰薄諒難  
任聊酌罇中酒忽忘頭上簪君如賞此趣一撫無  
絃琴

經歲農最苦有時良獨歡濁醪惟取漉新果復登  
盤飯罷輒思睡客來嘗不冠悠悠思彼美念此力  
耕難

清秋遇佳日載酒出東臯洗盞猶未飲耕夫前告  
勞征鴻到有次食鹿鳴其曹此興聊足紀因之爲  
吮毫

採菊凌南陸初陽耀北林所嬌頗解意相喚甫成  
音撫汝溫茂質保茲貞素心忘憂兩相倚倒景襲

予襟

孫楠生  
年餘矣

在野罕人事歲寒農且休詩書娛我老旦夕臥斯

樓懷古慰遙集扣門來舊遊觴行叨一醉亦不廢  
諮酬

長夜恒寡寐曉看天若曛千林垂欲雪四野歛同  
雲風定挈壺聚霰飛歸笛聞諸奚耕牧暇得酒幸  
平分

瑾戶正羣處負暄惟一翁羲皇遺我去作息偶然  
同向晝亟乘屋方春其播工長懷彭澤老或有少  
陵風

贈趙贊府不敏初度二首

亭臯霽色滿東籬採採清秋景未移恰對澗阿芹

葉美况逢陶令菊花期筵開林麓鴻初至酒度蓬  
萊鶴自知會有丹書酬茂績臨郊漫訝綵雲遲

寒深何處泛漁舸近得平原託緼袍招隱不難題  
散桂放懷真似醉醇醪

前請告  
蒙具結

琴書久傍松風靜

帶鳥時分竹月高此日醪醕看更碧笑持康爵興  
猶豪

兒渭之平陽會別駕茹公葬因寄前明府紫

庭司馬四十韻

適野來鴻雁悲君廢蓼莪郡圖瞻茂澤邦域走連  
柯薤露音同把葭霜望匪佗束芻隨友去齋鏡屬



兒過卽事情焉釋伊人痛若何別離違繫馬時序  
 憶鳴珂尚覺追餘蔭無絲攬逝波十年開濟接三  
 輔溯流多子舍兼通庶朋簪亦帶蓑忘形呼飲爨  
 託命出干戈坐嘯頻移月招尋每印蘿白華迎膝  
 好丹壑醉顏酡竟漂憐清渭仍炊越大河北征附驥尾  
 旋裝資贊畫客席載婆娑別頰痕俱染臨觴髮更  
 皤目窮遙樹外心寄故山阿詎是遺軒紱寧遑種  
 芟荷奉公恒急軫憂國少安歌比列才誰並賢勞  
 任獨頗蹈危拚惴穴叢案軼常科道路勤忘飯風  
 飈粹戾和秦關虛亢碣晉嶺鬱嵯峨莫轉東歸轍

翻愁北嚮駝鴛巢悲逆旅駟隙迅傳梭綵服歡能

逮苦居序不訛褻含詳較閱勲閱備編摩時貽公行狀

撫跡增延竚論文許切磋忽承烏繭淚如對素絲

純祖帳新懷缺幽棲久負疴攀號恧枳櫛先太孺人襄事

屢荷提攜飛逐媿駕鵝受簡寒初厲時以公志見委拔毫曉自

呵峴碑終萃律襄隴竟蹉跎公厝襄陵漬絮聊將酒靈

輪未挽羅衆皆馳沓障吾豈戀槃適恰隕高原木

長留舊部禾神應會江海公東越人葬不遠滹沱前贈公殯

燕况睹慈輝暮猶須屢舞佺 綵綸榮晚節牲鼎

耀冬莎就唁雖疎往銜哀幾費哦庶存循吏傳金

石永難磨

寄整屋程明府麓仙

伊雒淵源豐鎬車晉陽文藻冠昭餘詞人製錦仍  
山水劇邑鳴琴對簿胥暇日每留彭澤秫清風時  
式段干廬還聞退食多乘輿定有新詩一起予

句謂家  
微君兄

西屏文學像贊 并序

東族子西屏茂才名唐晟弱冠拔武庠技  
勇軼倫溫恭君子也予每以致遠期之其  
從父通議大夫國之虎臣恒自謂弗及不

幸短命死矣西屏親老 有祝予之歎請題  
其遺像

尚覺英風在空沾老淚長短年 悲洗馬無後痛中  
即樹上烏啼急圖中豹飾長寒 朝重展對撫跡為  
三良

奉酬許學憲公用來韻 有古斤

躬邁 盛朝詔徵遺籍使君有蒐羅之任  
當彙進之期親事校讎並延迂僻膏車有  
贈入署無嫌下陳榻于高齋開鄴函於永  
日夜必五垂閣漏朝為七長階莫既屢讌

以留歡兼傾筐而厚別按部頃臨遠道傳  
郵仍貺新詩溯洄申縞紵之盟綢結敘葭  
苒之好敬遵元韻聊報短章撫序增懷惟  
常依乎君子援毫善賦是所愧于大夫  
彌衡懷刺迴誰投北海開樽許並遊謀野濫招麋  
鹿侶較書將進鳳凰樓絲蘿况早攀江樹雨雪渾  
遲轉渭舟更有朶雲能遠及新貽佳句豁窮愁

喜中黃二姪雪中來自朝邑

仙李三芝錦帶連

先河濱兄有子三  
人中黃其次也

竹林頻接仲

容前汝翁宦蹟悲流水吾鄙詞名屬象賢駒汗久

嗟行在地鳳毛終許上摩天不辭河澗東西濶乘  
興時來雪夜船

開美屬賦再送費司馬

歷歲觴歌照席溫經時客夢遶青門尚期秋爽兼  
葭合無邠天高驛路昏入部芾棠猶在眼沿橋疎  
柳最消魂浮雲白日須臾事佇有瑤環 寵錫恩  
開美又屬賦別費公子公遠

公子論文對薜蘿過從時許傍鳴珂長聞帶紱能  
空渭忽漫冰霜欲渡河岐路並愁征緒冷別樽誰  
耐醉顏酡灞橋衰柳寧堪折爭挽驪駒日暮歌

立冬後一日雪二首

節氣入冬暄凌晨雪正繁褐衣催着絮蔬豆待登園  
榻迴蟲音覺簷虛鳥翼翻時同戴安道

謂子喜禎

接素心言

老領牛羊牧貧為筆墨備及時霑野凍偷暇酸醅  
濃六出偏隨柳紛飛益秀格巖栖耽此物適興不  
妨農

晴二首

癖性長憐雪寒朝亦快晴郊原  
耕牧笛橫門好爐烟入座清深  
一蒙造物炙背倚

前楹

出郭融泥潦沿渠接澗田飛飛林鵲勁濯濯隴苗  
鮮萬動寒將息羣書老自編兒長孫解語翊我授  
經年

孫奇生名以椿而紀之詩

汝及兄隨舉翁於老更憐扶衰雙羽翥照坐兩珠  
圓素業應長託青燈可並傳從容看嗣武咫尺慰  
摩肩

馮訥生少叅抵任奉寄五首

幽棲嘉會邈何因使者風流動四鄰別遡星霜人

久臥來看河嶽雁初賓澄曦已耀林臯色暖律先

鳴牧笛春亟擬褰裳違足繭藩亭須有放權晨

輕輶夾路護棠陰尊大人方伯公尚憶先公節再

臨繼踵詞名高統系諸侯賓客舊冠簪符追分陝

東西合跡紹褰帷歲月深漢代馮君稱大小相傳

魯衛一長吟

心期夙昔賦同袍到處班荆對濁醪失學自憐牛

馬走論文兼接鳳凰毛細明公字星南孝廉光輝客席攀珠

樹落拓征途解佩刀渭水一航今咫尺何辭乘興

訪蓬蒿

縱橫陳榻雁門秋謂陳仲氏君祺八公悵望燕山客自愁陳上谷人

恣飲不忘珂里月徵歌同上庾公樓殊方瘴癘悲

仙侶絕塞風烟冷舊遊竹與使君欣把袂邊霜猶

照紫貂裘

山中久不視除書海內詞人半欲疎夙好顛瞻開

棗戟嚴朝况得罷耕鋤重論雨雪關山外更倒樽

壘省解初莫訝比年淹伏枕竚聞嘉詠啓相如

開美又屬賦別費公子公偉時往漢南

寒天邸夕問懷人棧曲褒斜悵去津祖席待傳垂

隴賦漿家何愧信陵賓蕭蕭班馬風初急慘慘離

筵雪正新更遡秦臺依玉潤鳳凰飛處見麒麟謂

外舅前雍守于公時開美見其二公孫

月

冬宵憐皓月氣徹湧金波象簾應常避貂裘罕復過微雲寒自斂列宿迴無多濁酒禁錢得奈茲良夜何

壽池奉先夏菴明府四首

至後天迴隔歲春晴朝鳴鶴見東鄰驅車最喜烟光接入瑄初憐物候新恰取椒花持獻頌爭舒柳萼坐娛賓西疆本在王風後鳥影遙追召杜津

夙望寰中羨楚才會臨沔上問江梅奉芳憶溯湖陰去製錦欣逢漢甸來樂歲里閭頻作社良辰羔酒競躋杯誰云屈宋無傳績更為詞人賦有臺

嶰管先鳴左輔珂潘輿遠屆北堂和時迎太孺人至及時

臘蟻融霜早何處江魚漾雪多遶膝斑衣榮絲繡

環階眉介起絃歌 聖朝孝理光宸極花縣頻瞻

紫誥過

曾息炎暉使院陰玉壺相倚滌煩襟投桃贈緜憐傾蓋適館開筵慰盍簪忽漫星霜催歲晚徐調絲竹度陽深林臯自此通帡覆况託同苔不異岑

酬杜廣昌讓水見寄杜白翰林孔目出宰與

姻家蒼舒別駕通譜詩中及之六首

向結青雲契曾連白玉珂論盟兼縞紵託分引絲  
蘿塞草芳臯發江鴻雪積過故人今出宰無路接  
絃歌

爾送烏啼去手悲綵袖寒詞臣勞縮綬恤子罷彈  
冠五斗腰寧折孤墳淚不乾行藏各珍重努力勸  
加餐

尺素懷人處縹緗照篋時時刊詩集成見寄關河分薄祿  
歲月紀新詩珥筆才仍健行春賦正滋漫愁霜露

晚遙把杜蘅枝

小阮新之蜀謂令姪坦阿戎猶在吳今季方叔久旅江南起居違

杖屨心跡阻江湖紫陌班荆邸金貂貰酒鑪向同

指泉穴相勗保遺孤蒼舒歿已久方叔視子京師每同讓水及此

代北關封晉雲中路入燕榻高迎曉日賓至若流

泉曹司農秋岳觀察大同陳使君射雉蜚孤口叔祺公分藩雁門予留此凡八年

魚拒馬川幾回憐往事為爾興翩然

同里懷仙尉里人張君藉陪遊憶廣文侯繹來卑為學博

棲誠有託樂詠與為羣野帶東橋景天通右輔雲  
報書情繾綣回首思紛紛

受補堂詩卷三  
投贈撫軍布公兼書感懷五首

節度牙開獨座尊輝輝法宿炳端門分疆周召東  
西合錫命唐虞內外論自列丹騶行部靜長調玉  
燭逮春溫占星已肇豐年瑞况復夫多右顧恩

題柱羣推輦上才剖符三晉一徘徊

公自部大夫擢晉臬升方

伯來持嶽輔中丞節坐正關河副憲臺白簡水嚴

明豸繡彤毫日麗走龍媒

時新報文武兩闈

東臯已覺晴

羲轉不俟吹葭曉律催

聖主覃敷錫類仁歸耕實慰採蘭春愁睽菽水嗟

何及困臥藜牀鬱未伸竟許餘生安隴畝

公垂示部咨子

告

猶瞻至德庇松筠函京沃野通臨冒永作康衢

鼓腹民

風雪難融涉渭濤肅聞開府望猶勞繫懷紫閣雲  
峰遠傾耳青門鼓角高歲穰人皆崇俎豆時清吏  
不問錢刀山居總暫稽傳謁喜託忻懽逸興豪

宸極昌明萬彙滋海山清宴邁同時寒朝每擬歌  
公狩伏處能忘感 聖慈獻爵椒盈多福頌環臺

柏引傲霜枝春和更採藍田玉帶舄欣垂紫綬絲

投贈方伯穆公二首

行省中書上大夫上游親控古西都四關三輔遙



承檄高嶽洪河盡入圖正色當臺羣品敘慈輝被  
野一愁無岐瞻階宇清相漾冰雪堂深擁玉壺  
霽矚藩方淑氣同邦君一力轉鴻濛賦惟輸正如  
流水苗已懷新白翼風春曆竟先南雁至歲華遙  
度朔梅融杖藜誰謂疎佳節擊壤人遊泰域中

投贈臬臺吳公二首

執法星高節使堂西臺夜靜月如霜潛調六律催  
春轉歛觀三辰啓歲陽按部雲霞封屋瑞披圖芝  
草訟庭芳民懷吏畏登淳俗樂庇乾坤化日長  
桑戟騫簾接翠微花明柏秀鳥安飛常聞臥鼓符  
嘉應競借燃犀溥霽暉里陌時雍罇俎列階除日  
永掾曹稀憲君加意開慈宇遊子長吟仗息機

冬杪再寄馮使君

承聞旌旆一傳書忽復冰霜逼歲除接跡猶連方  
岳舊論交直溯塞垣初年華春草勞相憶世事浮  
雲敢自疎七發知公饒妙解何時燈酒慰相如  
喜聞許學使公首登薦剡兼歲暮書懷五首  
清望欣孚岳牧心競傳推轂盍臺簪朶雲照野渾  
佳色雙鵲鳴簷自好音關右編徵輿論遠汝南遙  
契聖情深使君辛苦成邦教重觀西京樸械林

帖括相承奉。詔來條風肄雅。獨徘徊長河萬里濤。  
初寫太華三峰翠。忽開博物蔚爲君子器。登高儲  
有大夫才明揚。旦晚膺殊錫。快睹文星徹上台。  
宮律爰聞闢。混茫更饒幽意。幾迴翔蒹葭采采懷。  
人急瓦缶鳴。鳴引興長千載。遐輝酬彼美。數畚潛  
谷。問遺芳。渾高士節聲俱被藉補。若恩道並彰。  
懶性深藏木石居。惟公遠俗愛吾廬。愁來自對蘿  
牕寂。病裏相憐竹徑虛。每過郊原煩繫馬。栽更莫  
莢已傳魚。還期龐叟城南路。佇聽喬鶯灞上渠。  
老困冰谿歲事逢。憂心只益少歡容。將舒懷抱抽  
毫澁。欲訊行藏採藥重。夕燎已拚偕牧豎。春盤何  
幸下村農。倘叨慈覆身仍善。天暖東厓學種松。

冬杪寄董太尊二首

星萸幾涉絳帷前。水竹能留醉客眠。自有雙魚傳  
暮序。俄高六瑄入新年。山雲野日遙遙淨。斥柳谿  
梅處處妍。却因荒村增徙倚。東齋徐榻爲誰懸。  
林居憔悴鹿皮翁。一水青門悵轉蓬。豈乏春輝蒙  
郡邸。常延餘息賦邦風。椒華應候傾盤隔。柏葉何  
人介爵同。尚冀依劉安。伏枕泰階欣覲斗。樞東

酬仁長甥春初見寄

畫省春風下榻初  
新詩懷袖忽年除  
學明吳扎才  
尤健文賦平原齒  
正如蕭傍旌旄諸  
鳳卜欣隨簪  
珥接麟書  
應推夙好矜  
衰病憶別臺  
門唱和疎

學憲署中晤熊高士振公卽贈

厨及時從月旦  
論楚才苗裔見  
王孫共呼羈旅  
投餐義長有英  
雄就漂恩上客  
高風凌錦席中  
宵朗月湛清  
踰知君績學兼  
躬踐更對芝蘭  
道氣溫兩令

子皆沈靜  
有儒者風

寄贈閩副戎聚亭

裘帶嫖姚萬里情  
擁旄鄉國借干城  
魯連排難持高節  
羊傳投壺握勝兵  
月靜雄關戈久臥  
雲深列戍羽無聲  
嘗思振馭陪冬狩  
最喜臨階玉樹清

歲杪柬胡明府

辛苦琴絃歲序移  
每勞車馬慰潛期  
春星甫帶東林曉  
暖律先高朔澗曦  
體道惠能孚物望  
修名清轉畏人知  
方勤吏術應超擢  
庶睹循風兩漢馳

並寄秋亭公子

擁褐前軒歷象東  
連疆大厦井閭中  
蘭馨芝秀思公子  
草第蟲吟詠國風  
使院屢霑春酒及  
文心時漾錦毫通  
柴門汎掃開三徑  
倒屣還宜邂逅同

長源表弟見貽佳米輕裘感賦二首

淵明大布罕儲冬

陶詩禦冬足大布正爾不能得

子美長纜餒自

供嘗憶古人安拙隱漫勞吾黨豁愁容解衣推食  
嚴朝及披草論文曠代逢白首交遊垂欲盡朱絃  
不惜撫重重

苦寒翻愛歲華遲微尚猶存老莫移祗合安平憐  
並涉敢違仁祖說長飢幽居不負裕雲興夙好還  
同竹石期未有玉盤將尺鯉瑯玕時復耀雙眉

扶病見長源使者知舉第三子喜賦並寄

藜腹初分粳稻香褐衣新有裌裘光扶筇對使懷

難盡舉駿聞聲喜欲狂膝下三芝看競發階前叢  
桂許同芳緘詩報紵宗風在玉立珠聯世澤長

柬池明府時

恩旨蠲今年殘賦並除明歲

租庸篇中有述

暑劇花階一聽琴霜明雉隴再傳吟北躔近傍邠  
雲轉東作遙連名樹深盡賜田租蒙 渥詔新裁  
毗頌過春林時和歲稔安樵牧接軫應舒野望襟

作詩啓候諸公竣示兒涓

歲底寒朝硯席同扶衰策病忍匆匆遑辭慘澹成  
新賦庶竭涓埃格上公鵠鶴未酬高舉翼鯨魚須

會遠遊風極知孺仲安栖遜無邪情牽顧盼中



